

Innovasjon Norge Hordaland
Pb 448 Sentrum
0104 OSLODato: 04.04.2016
Vår ref.: 2016/3819-1
Saksbehandlar: tormons
Dykkar ref.:

Handlingsprogram for næringsutvikling i Hordaland 2016 - Tidelingsbrev til Innovasjon Norge Hordaland Tildeling 2016 – kr. 15 000 000

Fylkesutvalet vedtok Handlingsprogram for næringsutvikling i Hordaland for 2016 i møte 25. februar, sak 65/2016.

Den totale økonomiske ramma i Handlingsprogrammet 2016 er kr 55 114 000,-. Reduksjon i dei statlege rammene gjer at det totalt er mindre midlar tilgjengeleg og har ført til kutt innfor nokre av budsjettområda. Fylkeskommunen overfører eit årleg beløp til Innovasjon Norge som er øymerka bedriftsretta tiltak for å realisera måla og strategiane i Handlingsprogram for næringsutvikling i Hordaland for 2016.. Denne overføringa er i 2016 på **15 000 000 kroner**. Ramma til Innovasjon Norge er redusert i dette budsjettet som følgje av at Innovasjon Norge har fått tilbakeført 25 mill kroner som skal nyttast i 2016. **Totalt er altså ramma til Innovasjon Norge 40 000 000 kroner**. Denne måten å trekkje frå tidlegare tildelte beløp vil ikkje skape presedens for komande tilsegner. Det vert gjort på denne måten på grunn av storleiken på tilbakeføringa. Midlane går til einskildbedrifter og etablerarar som lån og ulike former for økonomisk støtte.

Som grunnlag for tidelingsbrevet for 2016, viser vi elles til oppdragsbrev frå Kommunal- og moderniseringsdepartementet (KMD) til Hordaland fylkeskommune for 2016 (vedlagt).

1. Overordna føringar

Arbeidet som Innovasjon Norge Hordaland skal utføre er basert på dei oppdragsbrev som kjem frå eigarane; staten og fylkeskommunen. Frå Hordaland fylkeskommune sin del legg vi Regional næringsplan for Hordaland 2013-2017 og Handlingsprogram for næringsutvikling i Hordaland 2016 (HNH 2016) til grunn for alt arbeid som vert gjort med utviklingsmidla.

2. Oversikt over tilsegn stilt til disposisjon for 2016

I tillegg til dette tidelingsbrevet har Fylkesutvalet, slik som i 2015, vedteke ei tilleggsløyving til forsterka entreprenørskapssatsing i Hordaland på **kr 900.000,-**. Innovasjon Norge vil motta eit eige tilsagnsbrev for denne satsinga.

3. Mål for Innovasjon Norge Hordaland sin aktivitet

Ein av hovudstrategiane i næringsplanen er punkt 4.3 Meir entreprenørskap og innovasjon med følgjande innsatsområde: 1. Fleire gode grundere. 2. Fleire vekstkraftige verksemder. 3. Fleire innovative næringsmiljø. Dette er samanfallande med Innovasjon Norge sine egne mål.

4. Fylkeskommunen si vektlegging av måla

I Handlingsprogrammet for 2016 har fylkesutvalet vedtatt spesielle innsatsområder under strategien Meir entreprenørskap og innovasjon. Dei som er spesielt retta mot Innovasjon Norge Hordaland er:

Direkte støtte til bedrifter:

- Vekst i eksisterande bedrifter gjennom målretta bruk av tilskot og lån.
- Arbeide for å sikre kompetent og langsiktig kapital til nye idear og nye bedrifter slik at fleire kjem gjennom oppstartsfasen og over i ein vekstfase.

Mobilisere til forskingsbasert innovasjon i bedriftene, mellom anna gjennom *FoU-forum* og ved bruk av VRI-verkemidlane kompetansemekling og dialogmøte. (Mogleg finansiering er IFU/OFU, RFF Vest, NFR sine brukarstyrte program, SkatteFUNN og Horisont 2020) .

5. Koordineringsbehov

Hordaland fylkeskommune er leiaren av den regionale partnerskapen for regional næringsutvikling, og ansvarleg for strategisk planlegging i fylket. Fylkeskommunen har det politiske ansvaret for heile breidda i det regionale samordnings- og utviklingsarbeidet, jamfør Regional næringsplan for Hordaland 2013-2017, samt det årlege handlingsprogrammet.

Innovasjon Noreg Hordaland har som formål å fremje bedrifts- og samfunnsøkonomisk lønsam næringsutvikling, og utløyse ulike distrikt og regionar sine næringsmessige muligheiter gjennom å bidra til innovasjon, internasjonalisering og profilering basert på prioriteringar gjort i Regional næringsplan for Hordaland 2013-2017, samt det årlege handlingsprogrammet.

For å sikre at Hordaland fylkeskommune er godt informert om utfordringane i fylket og i organisasjonen, skal det vere dialog mellom fylkeskommunen og Innovasjon Noreg Hordaland i forkant av eigarmøta i Innovasjon Norge. Det skal òg vere halvårlege statusmøter, der administrativ leining frå fylkeskommunen møter direktør frå Innovasjon Noreg Hordaland. Begge partar deltek òg aktivt i regionale samarbeidsorgan, som til dømes Regionalt Næringsforum. Det er fylkeskommunen som er ansvarleg for å sikre at denne dialogen vert gjennomført.

6. Særlige regionale tilpassingar

Inntil kr 800 000 av midlane vert øyremerka til bedriftsprosjekt i VRI. Bedriftsprojekta har som føremål å finansiere samarbeid mellom ei bedrift og eit utvald forskingsmiljø om utvikling av ei definert forskingsrelatert problemstilling. Midlane skal nyttast i høve satsingsområda i VRI #3 (eigen konsortieavtale), og kan nyttast til bedriftsprosjekt i heile fylket. Søknadar skal sendast via Hordaland fylkeskommune for vurdering. Endeleg sakshandsaming vert gjort i Innovasjon Noreg. VRI er no inne i sin tredje og siste prosjektperiode og har som hovudmål å medverke til å auke næringslivet sin eigenutførte del av totale utgifter til forskning i Hordaland frå 25 % til opp mot 30 % i perioden 2014-2016.

Inntil kr 1 000 000 av midlane vert øyremerka til fornying av fruktareal i Hordaland. Utviklinga i fruktneringa i fylket er særst positiv. Omtrent 40% av generasjonsskifte dei siste 5 åra har vore til kvinner, gjennomsnittsalderen går ned og regionen er i rute med generasjonsskiftet. Frukt er ein klimavennleg produksjon som har stor etterspurnad i marknaden. Næringa sjølv peiker på mangel på tilstrekkeleg med investeringsmidlar som ein av dei største flaskehalsane for auke i produksjon av frukt i Hardanger. I 2015 var det tomt for investeringsmidlar frå Innovasjon Norge i juni. For å sikre investeringstakten i fruktneringa ynskjer Hordaland fylkeskommune å øyremerke midlar til fornying av fruktareal.

Midla som fylkeskommunen løyver til Innovasjon Norge i kategorien 551.60, kan nyttast til ordninga bedriftsnettverk. Det vert presisert at midla vil følgje dei same krava om tilhøyrighet i distrikta som tidlegare.

Omstilling og nyskaping

I HNH 2016 har fylkeskommunen ei særskild satsing retta mot omstilling i petroleumssektoren. Ifølge KMD kan midla til omstilling nyttast i alle kommunar, og ikkje berre innanfor det distriktspolitiske området. Dette inneber at midla kan nyttast til konkrete omstillingsprosjekt for etablerte bedrifter innan petroleumssektoren i heile fylket. Vi legg, som tidlegare år, opp til eit nært samarbeid med Innovasjon Norge når det gjeld førebuing og gjennomføring av omstillingsprosjekt og program.

Brukargruppe

Hordaland fylkeskommune ynskjer framleis eit spesielt fokus på kvinner, og at ein har eit mål om at 40 % av dei næringsretta verkemidla skal gå til kvinner. Jamfør mål og tiltak i strateginotat frå Innovasjon Norge Hordaland, «Auka kvinneandel i bruk av næringsretta verkemiddel», datert 16.10.2015.

Det vert igjen presisert at støtte til vekstentreprenørar kan tildelast over heile fylket.

Fylkeskommunen ynskjer at midla kan gå til å støtte utviklingsprosjekt for etablerarar, som til dømes aksell program.

7. Krav til dokumentering av resultat og rapportering

Midlane frå Hordaland fylkeskommune til Innovasjon Noreg vert overført to gonger i året, første gong rett etter at tildelingsbrevet er sendt, samt 1. september. Midlane skal stå på ein eigen renteberande konto. Fylkeskommunen skal sende tildelingsbrev innan 15. mars, så snart rapport for forrige år er motteken. Midlane vert gitt til Innovasjon Noreg Hordaland som tilskot utan tilbakebetaling. Dette gjer det mogeleg for Innovasjon Noreg Hordaland å overføre rammer frå eitt år til eit anna for å kunne ta høgde for finansiering av større prosjekt. Tildeling som vert heil- eller delannullert vil på same måte kunne leggjast til ramma uavhengig av annulleringstidspunkt. Dersom føresetnadane for utbetaling ikkje er oppfylte, vil fylkeskommunen kunne krevje heile eller delar av tilskotet tilbakebetalt. Det skal årleg rapporterast på bruken av tildelte midlar. Frist for rapportering frå fylkeskommunen til KMD, er sett til slutten av mars 2015. Tilsvarande skal IN Hordaland rapportera bruken av verkemidlar til fylkeskommunen innan 15. februar kvart år. Dette kjem i tillegg til sentral rapportering mellom IN sentralt og KMD. Overføring av rammer mellom år, samt renter som vert lagt til ramma, skal presiserast i rapporteringa. Ein tek atterhald om eventuelle endringar i rapporteringsrutinane. I utgangspunktet kan Innovasjon Norge sitt eige resultatmålingssystem nyttast.

Med talmaterialet skal det følgja ein kort, verbal analyse knytt til dei ulike satsingsområda og den regionsvise fordelinga. Innovasjon Norge må elles vera førebudd på å framskaffe andre, økonomiske oversikter i samband med mogelege pålegg frå KMD, eller etter ønskje frå fylkesutval / fylkesting. Ein føreset at Innovasjon Norge rettar seg etter dei retningslinene som departementet har lagt fast i samband med mål- og resultatstyring i høve til midlane frå KMD (del av tildelingsbrevet frå KMD). Fylkeskommunen har til ei kvar tid høve til å kontrollere at vilkåra for tilskotet vert haldne. Innovasjon Norge pliktar derfor å gje dei opplysningane som fylkeskommunen ber om, og som er regulerte i avtalar og retningslinjer. Etter Stortinget sitt løyvingsreglement har Riksrevisjonen rett til å kontrollera at tilskotet vert nytta etter føresetnadene.

8. Kommunikasjon

Det er ynskjeleg at Innovasjon Norge Hordaland aktivt skal profilere fylkeskommunen i samband med forvaltning av overførde midlar. Innovasjon Norge har i brev til fylkeskommunen, datert 6.juni 2006, gitt innspel til strategi for profilering. Denne avtalen byggjer på desse prinsippa, og følgjande aktivitetar vil vere sentrale :

- Presisera samarbeidet med fylkeskommunen i presentasjonar
- Presentera samarbeidsforholdet muntlig i kundesamtaler
- Bruka fylkeskommunen sin logo når IN inviterer til møter/seminar der det vert brukt fylkeskommunale midlar
- Andre tiltak skal vurderast

Oppdraget og medfølgjande tildelingar føreset at partane følgjer intensjonane i avtalar og regelverk, og held god kontakt undervegs. Særleg er det viktig at fordeling av arbeidsoppgåver som gjensidig ligg tett opp mot kvarandre, vert klargjorde. Kontaktperson hjå oss er: Næringssjef Mette Nora Sætre.

Vi ser fram til eit godt samarbeid, og ynskjer lukke til i det vidare arbeidet i 2016

Med helsing

Bård Sandal
fylkesdirektør regional utvikling

Mette Nora Sætre
næringssjef

Brevet er godkjent elektronisk og har derfor inga underskrift.

Kopi til:
Nina Broch Mathisen
Ole-Andreas Smette
ØKONOMIAVDELINGA

Vedlegg

- 1 Handlingsprogram for næringsutvikling i Hordaland 2016
- 2 Tilskotsbrev frå Kommunal- og moderniseringsdepartementet for 2016